

थारी बांकी अदा पे वारूं प्राण श्याम रंगीळा मिलता रईज्यो



थारी बांकी अदा पे वारूं प्राण,
ओ जी श्याम रंगीळा,
मिलता रईज्यो जी,
थां की मारै छै मीठी मुस्काण,
थां रा नैण रसीळा,
खिलता रईज्यो जी।bd।

तर्ज – थाणै रस्तै मं होसी गणगौर।

मन का थे मनमौजी कान्हा,
मनगरा जी राज,
कोई दिन तो आवो थे,
म्हां रै घरां जी राज,
म्हां की छोटी सी अरजी नै ल्यो माण,
म्हां रा छैळ छबीळा, मिलता रईज्यो जी।bd।

पड़दो थां रै स्यूं काई,
राखणों जी राज,
थां रै स्यूं ई तो सांचो,
भाखणों जी राज,
थां को रसना स्यूं करां के बखाण,
थां रा नैण रसीळा, मिलता रईज्यो जी।bd।

आंधा री थे ई कान्हा,
लाकड़ी जी राज,
म्हां पै सांवरिया थां री,
ठाकरी जी राज,
थां को नित की करां छां गुणगान,
म्हां रा श्याम सजीळा, मिलता रईज्यो जी।bd।

श्याम बहादुर सांचा,
सांवरा जी राज,
समस्त भजनों के लिरिक्स और विडियो बिना इन्स्टॉल किए भी आपने मोबाइल में देखने के लिए गूगल प्ले स्टोर या एप्पल
एप्प स्टोर से 'भजन डायरी एप्प' जरूर इनस्टॉल करें। वेबसाइट - <https://www.bhajandiary.com>



राव रा जी राज,
थे ई “शिव” रा तो सांचा जिजमाण,
गोपाळ हठीळा, मिलता रईज्यो जी IbdI

थारी बांकी अदा पे वारूं प्राण,
ओ जी श्याम रंगीळा,
मिलता रईज्यो जी,
थां की मारै छै मीठी मुस्काण,
थां रा नैण रसीळा,
खिलता रईज्यो जी IbdI

स्वर – संजू शर्मा जी ।
प्रेषक – विवेक अग्रवाल जी ।
9038288815
